



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus I. De præscriptionibus in genere.

[urn:nbn:de:hbz:466:1-73001](#)

QVÆSTIO XXVI.

IN TIT. XXVI. DE PRÆSCRIPTIONIBUS.

2270. **T**itulus de Exceptionibus, subjungitur hic de Præscriptionibus; quia præscriptio, ut conditum ab Usucapione, strictè loquendo, est quædam species exceptionis, ut mox dicemus. Nam præscriptio strictè, ac propriè lequendo, est exceptio quædam pereemptoria, quæ possessor bona fidei, post completum tempus jure definitum, rei Dominium, volentem ab illo rem suam repetere, ac jure suo pristine uti, repellere ab actione potest, opponendo illi præscriptionem rei, jam legitime finitam, ut magis constabit in seqq.

ARTICULUS I.

De præscriptionibus in genere.

2271. **S**upponend. quod præscriptio, quamvis apud Authores Cæsarei juris accipiatur pro exceptione, tamen apud interpres canonici, & civilis usurpetur pro acquisitione dominii ex possessione, tempore, & conditionibus ad id requisitis, & ut sic definiti potest: est *acquisitio dominii*, vel *juris alieni*, clistone ex tempore legibus definito proveniens. Videtur coincidere cum usucapione; hæc enim sic definitur à Modestino, L. 3. ff. Usucap: est *acquisitio*, vel *adieatio* dominii, aut *juris*, per continuationem temporis lege definiti. Multi ponunt discrimen inter præscriptionem, & usucapionem; quod usucapio, sit rerum mobilium; præscriptio vero, immobilium: at non bene, quia utramque tam in mobilibus, quam in immobilibus locum habet; melius tamen distinguuntur, si dicamus cum Molina tom. 1. tr. 2. D. 60. præscriptionem latius patere, usucaptionem. Nam præscriptio versatur non solum in iis, quæ per usum acquiruntur; sed etiam in iis, quæ per non usum comparantur, qualis v. g. extinctio actio-
nis personalis, quam alter mili intentare poterat, & extinctio servitutis, quam alter habebat in meo prædio; nam contra u-

tramque præscribitur per non usum illorum habentium tale jus: at usucapio, ut constat ex ipsius nominis etymologia, solum habet locum in rebus, quæ per usum comparantur, & non in illis, quæ per non usum.

2272. Ex hoc sequitur, præscriptionem strictè sumptam pro exceptione, ut exposuimus, differre ab usucapione jam definita; 2. si sumatur pro acquisitione dominii, vel juris alicuius, adhuc differre ab usucapione, tanquam aliquid latius patens; quia præscriptio sic accepta non tantum contingit, acquirendo rei dominium per usum rei tempore legibus definito, exercitum a præscribente; sed etiam per non usum, prætermisso ab eo, qui habebat jus ad usum rei pertinentis ad præscribentem, si tempore legibus definito talis usum rei prætermittat; ex hoc enim fit, quod alter contra talem præscribat, hoc est, per non usum ab onere, ceteròquin incumbente rei suæ, liberetur; id, quod non habet usucapio, consistens solum in acquirendo; præscriptio autem etiam in se liberando.

2273. Not. autem præterea, discrimen esse inter consuetudinem, & præscriptionem, nám præscriptio non introducit *jus legale*, sed solum *jus dominii*, vel *friendi*: deinde exigit titulum, & bonam fidem, non verò consensum illius, contra quem præscribitur: at consuetudo introducit *jus legale*, ad quod exigit consensum populi, vel *Principis*, sed nec titulum, nec bonam fidem, saltem in principio. Azor tom. 1. 1. l. 5. c. 18. q. 19. ex Sylvestro V. consuetudo, q. 22. utramque sic discriminat: præscriptio, inquit, primo consistit in rebus immobilibus tum corporalibus, tum incorporeis; at consuetudo solum habet locum in incorporeis, & in servitutibus, iurisdictionibus, & electionibus, & aliis ejusmodi; 2. præscriptione acquiritur *jus privatae personæ*: at consuetudine non acquiritur *jus magis uni*, quam alteri, sed toti Reipublicæ, & Communitati: 3. præscriptio dat *jus uni contra jus*, quod alter habet;

habet; at consuetudo dat jus contra legem, vel præter, aut secundum legem.

2274.

Not. 2. quandoquæ dici etiam consuetudinem esse *præscriptam*; per hanc, ut tenet Panormitanus in c. *Non est, de consuet. in 6. n. 7.* nihil aliud significatur, nisi esse obtentam per cursum temporis requisiti ad *præscriptionem*; ut consuetudo legem inducat, duo requirit, nempe certam frequentiam actuum, qui fiant publice, & voluntariè, ut populi consensus requisitus innoteat; & certum tempus: quod attinet ad frequentiam actuum, docet Suarez l. 7. de leg. c. 10. n. 3. & 4. nullum certum numerum posse determinari, sed prudentis arbitrio relinquendum esse, ita ut attendi debeat materia, & multitudo occasionum: eam verò frequentiam actuum semper requiri, & sufficere, per quam populi, & principis tacitus consensus innoteat: quod attinet ad tempus, ex mente cit. Authoris c. 15. dicimus sufficere decennium sive ad civilem, sive ad canonicaem. Quamvis enim dicatur, quod canonica requirat spatium 40. annorum; hoc tamen habet locum in iis, quæ sunt contra jus, & non in iis, quæ sunt præter jus; nec resert §. 1. *Instit. de usucap.* ubi requiruntur decem anni inter praesentes, & viginti inter absentes; quia consuetudo populi semper inter praesentes est. Brevius tempus sufficit, ut consuetudo non *præcripta* indicat jus, quando scientia principis intercedit; id verò prudentis arbitrio committitur. Solet quid importet, V. Bart. in L. 1. C. quomodo, & quando judex. &c. Sed de consuetudine *præscripta*, & conditionibus ad eam requisitis V. dict. l. 1. tit. 4.

2275.

Not. 3. *præscriptionem*, prout supponit pro exceptione, usucaptionis effectum esse; cum ex illa nascatur; nam hoc ipso, quod quis rem alienam legitimè usucaperit, huic conceditur exceptio rei, dominum in judicio repetentem repellendi, opponendo ei, usucaptionem esse legitimè completam, consequenter priori domino, jus, quod in ea re prius obtinuerat, juris dispositione ademptum: prout autem supponit pro usucacione, habere quidem eundem juris effectum, quem usucatio; sed non econtra, ut diximus n. 2272.

2276.

Not. 4. *præscriptionem*, seu usucaptionem, introductam esse jure civili; ut ha-

betur principio Institut. de usucaptionibus, & probatam jure canonico; idque propter bonum publicum, ne diu, & ferè semper quarundam rerum dominia incerta essent (L. 1. ff. de usurp. & usuc.) & ut aliquis litium finis esset, L. ult. ff. pro suo, quæ pene immortales forent, si liceret, post diutinam rerum possessionem, eas repetere à bona fidei possessoribus; ac, ne possessores ejusmodi prope immortali timore terreatur, ut ait Justinian. in L. cùm notissimi. 7. in princ. C. de præser. 30. vel 40. annor. dum in perpetuo metu forent, ne res ab ipsis possesse evincantur: unde fieret, ut nemo auderet fundos colere: tum etiam, ut hac ratione segnities, ac desidia hominum, qui res suas, ac jura in judicio persequi negligunt, excusat, dum ea punitur ademptione dominii, juxta L. 2. C. de ann. except. & c. Vigilanti. 5. b. i. ut constabit amplius in seqq.

Ex hoc deducitur *præscriptioni*, & usucaptioni, legitimè completa locum esse, non tantum in foro fori, seu externo (ut quis contra priorem dominum in judicio justè in dominio rei per *præscriptionem* acquisito defendere possit) sed etiam in foro populi, seu conscientiæ, ut quis licet, & absque omni peccato retineat rem, contra quam legitimè *præscripta*, & jure utatur, quod inde acquisivit; ita communis: prout pluribus ostendit in tract. Theol. de jure & just. q. 6. à n. 275. quod verum est, licet postea finitam *præscriptione* cognoscat, rem non fuisse suam, sed alienam; & ratio est, quia sacri canones non approbant, quod iniquum, vel illicitum est, aut contra conscientiam; at *præscriptionem legitimè* completam quoad suos effectus approbant, quæ facta est mala fide, ut habetur c. fin. b. i. ergo.

Pro his, quæ in contrarium opponi possint, not. 1. per legem positivam, quæ *præscriptioni* legitimæ tribuit vim adimenti dominium, & constituit in eo, qui sic *præscripta*, concedendo ipsi, ut *præscriptione* finitam rem *præscriptam* retineat, licet comperiat, rem illam prius fuisse alienam, nihil statui contra jus naturale, quod docet, nullum licet retinere alienum; quia finita *præscriptione* res non amplius manet aliena; sed est propria *præscribentis*, ut constat ex utroque jure.

Not.

2279. Not. 2. verum esse, quod, qui scit, sententiam judicis alicui rem aliquam adjudicantis, niti fundamento, aut præsumptione falsâ, non possit rem illam salyâ conscientiâ retinere; quia Iudex non attribuit dominium absolutè, sed tantum sub conditione, si vera sunt allegata; nec condit novum jus, sed tantum declarat antiquum; unde, si in te nullum ante fuit, etiam declaratio nulla est: at præscriptio legitima tribuit rei dominium absolutè, & præscribenti constituit novum jus auctoritate publicâ in re præscripta; ergo.

2280. Not. 3. negandum esse, quod pro foro conscientiâ esset finis legum, præscriptioni faventium; hic enim finis est, bonum commune, ne diu incerta sint rerum dominia, & inde etiam in conscientia possessores inquietentur, litibus, &c. ut constat ex dict. n. 2276.

Not. 4. concedi, quod nulliter professus, in foro solùm externo habeatur pro vere professo, si intra quinquennium contra nullitatem non reclamavit, juxta Trid. *seff.* 29. c. 19. sed negari hanc illationem; ergo etiam præscriptio valet tantum pro foro externo. Nam in priori volor pro foro interno nascitur solùm à vero consensu, quem potestas publica in ordine ad matrimonium spirituale (seu professionem) supplere non potest: at quoad translationem dominiorum rerum temporalium respublica habet jus' altum; & sic in his, intuitu boni communis, etiam sine voluntate domini, disponere potest.

Ex hoc vides, quod possit alicui, etiam sine suo facto, consensu, & culpa, ausferri dominium tei sux, bono communi id exigente; tunc enim hæc privatio non est pœnalis, sed legalis tantum; hæc autem non supponit culpam. Unde negandum est, segnitiem dominorum in cura rerum suarum esse unicam causam, ob quam præscriptio procedat; patet ex n. 2276. imò etiam in c. *vigilanti, de præscript.* ea non est unica; sed etiam, ut vitetur confusio dominiorum.

Nec ex eo, quod præscriptio habeat vim transferendi dominia, sequitur, quod hoc ipso id habeat jure naturæ; si enim ex eo, quod sit justa, eo ipso foret juris naturalis, omnes leges eo ipso, quod justæ sint, & profici bono communi, forent de jure naturæ, quod est falsum; non enim, quæ

prösunt bono communi, eo ipso omnia lege naturæ statuta sunt: solùm ergo sequitur, esse rationi consonum, ut sub legis obligatione ponantur. Cæterum, quando novellâ. 9. *præscriptio* per Imperatorem dicitur *impium præstium*, loquitur de temporibus, quibus currebat cum mala fide; Haunold. *tr. 5. de just. n. 166.*

Not. 5. non rectè dici, usucaptionem, vel præscriptionem esse contra jus naturæ præceptivum, vel prohibitivum, nam nulla dispositio humani iuris, adversus illud prævalere potest, ut ostendimus tit. 4. de consuetud: secus est, si tantum sit permisssivum; unde negandum est, communionem, & divisionem bonorum esse de jure naturæ præceptivo, vel prohibitivo; sic enim sacri canones, & justæ Principum leges, quæ amore boni publici, & communis approbant præscriptionem, approbatent id, quod est appositum iuti naturæ; quod rectè dici non potest.

Not. 6. quando dicitur, neminem locupletari debere cum alterius detimento, & injuriâ, per reg. 209. ff. de reg. juris; & reg. 48. cod. in 6. verum esse, quod id nunquam liceat, si contingat cum injuria, vel injustè; sed negari, quod, qui virtute præscriptionis, legitimè completæ, acquirat dominium sive directum sive utile, aut quodcumque jus, quod prius erat alterius, *injustè* locupletetur cum alterius injuria; nam quod uni privato propter publicum, & communem bonum adimatur dominium suppositis iis, que requiruntur ad legitimam præscriptionem, rite completis, & in altero quantumvis privato constituatur, seu dispositione juris attribuatur, fieri ex justissimis causis, & consequenter justè, ac sine illius injuria, utroquè jure certum est.

Not. 7. quamvis verum sit, tempus 2283: non esse modum inducendæ, vel tollendæ obligationis, ut dicitur L. *obligationum.* 44. §. 1. de obligat. & action. negandum tamen, præscriptionem vim suam habere ex solo cursu temporis: aliud est, quod præscriptio, supposito tanti temporis cursu cum possessione bona fidei, & justo titulo continuatæ, vim adimenti dominium uni, & attribuendi alteri, habeat ex, vel à decursu temporis, tanquam principio constituentे illi hanc vim: & aliud quod

authoritate juris publici supposito tanti temporis cursu cum reliquis, *tanquam conditione*; primum omnino negandum est? & secundum concedendum; sed de hoc non procedit citata lex 44. sed de primo.

2. I.

Quinam possint præscribere, & contra quos;

2284.

Regula est, quod omnes, qui sunt capaces acquirere dominium, vel jus alicuius rei, possint præscribere, seu usucapere; prout colligitur ex L. 4. Q. 1. ff. de usurpat. & usucap. & ratio est; quia *usucapio est adjectio* (seu *acquisitio*) *domini per continuationem possessionis tempore lege definito* ut dicitur L. 3. ff. eodem: ergo potest præscribere, seu usucapere, qui potest dominium acquirere. Ex hoc sequitur quod juxta dictam legem 4. usucapere possit; *Paterfamilias*; item *filiusfamilias*, in iis tamen solum iste, quorum dominium habere potest, ut sunt bona profectitia, castræ, & quasi castræ. Quæstio autem est, an præscribere, seu usucapere possit pupillus? 2. infans? 3. furiosus? 4. amens? 5. servus? 6. Clericus? 7. rem possidens pretatio?

2285.

Ad 1. Resp. posse non tantum cum, sed etiam sine Tutoris autoritate; prima pars est ex L. sequitur. cit. Q. 2. ibi: *pupillus, si Tutore auctore cœperit possidere, usucapit*; ratio secundæ partis est; quia etiam sine illo, si doli capax sit, & pubertati proximus, potest rem corporaliter apprehendere, habendi ut suam, saltem in commodum, & utilitatem propriam, ut notat gloss. in cit. §. 2. V. *Pupillus*, de quo statim. Ad 2. Resp. non posse, nisi Authore Tutore; nam sine hoc possidere non potest; at sine possessione præscriptio non procedit; ergo. Ma. est ex L. *Quamvis*. 3. 2. §. *Infans*. 2. ff. de acquirend. possess. ibi *Infans possidere rectè potest, si tutore auctore cœpit*: nam iudicium infantis suppletur auctoritate Tutoris? utilitatis enim causa hoc receptum est: nam alioquin nullus sensus sit infantis accipiendi possessionem. Pupillus tamē etiam sine Tutoris auctoritate possessionem nancisci potest. Item infans peculiari nomine per servum possidere potest. Ad. 3. Resp. quod sic, si dum esset sanx mentis, possidere cœpit; constat ex cit. L. 4. §. 3. ibi: *Furiosus, quod ante furorem possidere cœpit, usucapit*. Sed hæc persona ita

demum usucapere potest, si ex ea causa possideat, ex qua usucapio sequitur, Tametsi enim à tempore possessionis legitimè cœptæ, usque ad finem temporis lege definiti duret in furia, vel amentia, per hoc tamen possessionem non amisit: ex quo patet etiam ad 4. Ad 5. Resp. cùm servus non sit capax sibi acquirere, nec suo nomine possidere, illum etiam nec posse præscribere, seu usucapere; nam possessione præscriptio non procedit, ut constabit ex seqq. Ad. 6. Resp. ex 16. q. 4. c. *Clerici*. 11. ubi dicitur: *Clerici quilibet, quantacunq; diuturnitate Temporis, de Ecclesia remuneratione aliqua possedent, in ius proprium præscriptione temporis non revocentur; dummodo pateat, Ecclesia rem fuisse: ne videantur etiam Episcopi tempore administrationis prolixæ, aut precarias, cùm ordinati sint, facere non debuisse, aut diu retentas in ius suæ proprietatis posse transcribere*. Sed hoc procedit solum de bonis beneficiorum, & Ecclesiæ, quæ possident. Ad 7. Resp. quod non; nam, qui rem non suo, sed alieno solum nomine possidet, non potest usucapere, seu præscribere, ut notat gloss. in dict. c. 11. V. *in ius proprium; ut constabit ex seq.*

Ad alteram Tituli partem R. generaliter contra illas personas præscribi non posse, quæ non possunt stare in judicio, agendo, jura sua tuendo &c. nam *præscriptio non currit, non valenti agere de jure*, L. 1. §. ne autem. C. de annali exceptione. Hæc regula proficiscitur à ratione naturali, propter quam non est conveniens, ut is pœnam, vel iacturam patiatur, qui nullam culpam vel negligentiam commisit; Baldus in Authent. *Nisi triennale*, C. de bonis matern. junctâ gloss. V. apparuerint. Unde Sichardus in Cod. l. 3. Tit. 28. de offic. testam. in L. 14. & 16. n. 10. fol. 178. rectè docet, *quod præscriptio non currat ei, qui non est negligens*: at quando quis agere non valet de jure, non est negligens; quis enī incusare eos poterit, si hoc non fecerint, quod, et si maluerint, *minimè adimplere lege obviante valeant*, ut ait Imperator in cit. L. 1. §. 2. Ne autem. Ex hoc infert Baldus in cit. Authent. *Nisi, quod, si statutum dicteret, ut eis currat præscriptio, quæ sua debita non exegerint intra decem annos, ei non currat præscriptio, qui agere impeditus est;* quia

quia illa regula est naturalis; nec naturalis æquitas patitur, ut ibi sit pœna, ubi non est negligentia; sic Bald. cit. apud Barbos. l. 14. axiomat. c. 64. n. 4. Sic contra Muliherem non currit præscriptio, si soluto matrimonio agat pro dote, durante matrimonio à Viro alienata; quia constante matrimonio per leges agere non potuit pro dote, nisi in unico casu, quo scivisset Virum vergere ad inopiam; Sichardus cit. in Cod. de jure dotium tit. 12. l. 5. Q. is autem à n. 1. fol. 615. Sic contra annalem actionem injuriarum non præscribitur, esto annus à die illarum injuriæ elapsus sit, si injuriatus primùm habuit notitiam injuriæ ab uno, vel altero mense; quia prius agere non valuit; Sichardus cit. quia est de substantia injuriæ, revocatam esse ad animum, seu innotuisse.

2287.

Ex hoc collig. quando quis per leges impeditur ab agendo certo tempore, eo tempore præscriptionem non currere, ut patet ex cit. L. 1. sic Ludovic. Gomez ad §. Rursus Instit. de actionib. num. 14. apud Barbos. n. 3. Collig. 2. quod illa regula (*non valenti*, seu impedito agere) procedat in impedimentoum juris; sic Arctinus in L. parata novissima 10. L. 2. C. de pactis, apud Barbos. cit. n. 3. Jalon in §. 3. Item si quis in fraudem, instit. de action. n. 87. Pirhing. de præscript. num. 132. ubi impedimentum juris explicat per impedimentum intrinsecum. Collig. 3. contra non valentem agere solum propter impedimentum extrinsecum, seu facti, currere præscriptionem; nam lex 1. cit. clarè loquitur de impedimento *per legem*; hoc tamen Corolarium sic aliqui generaliter admittunt, ut procedat, sive impedimentum facti sit justum, & sine culpa; sive injustum, ex §. Rursus instit. de actionib. sic tamen, ut justè impeditus restituatur in integrum, per L. 1. ff. Ex quibus causis Majores; sic Abbas in c. Ex transmissa, de præscript. n. 13. Felinus ibid. num. 8. Coeterum Barbosa in cit. c. Ex transmissa, n. 6. iudicat, impedimentum facti generale, & notorium, quoad effectum impediendi cursum præscriptionis, æquivalere impedimento juris.



Tom. II.

§. II.

Quæ res possint esse materia præscriptionis?

SUPPONENDUM, non omnes res præscribi, aut usucapi posse; quasdam, quæ ex natura rei non recipiunt conditions ad legitimam præscriptionem requisitas; alias ex speciali dispositione juris; ejusmodi res impræscriptibiles dicuntur *vittosæ*, nimirum laborantes vitio, seu inhabilitate passivâ, vel naturali, vel legali, ut præscribantur, seu usucipientur; quo posito: regula communis est, omnes res *corporales* tam mobiles, quam immobiles, carentes vitio, ut dictum est, præscribi, seu usucapi posse; dixi *corporales*; nam *incorporales*, sicut solum *quaæ possideri*, sic etiam *quaæ præscribi*, & usucapi possunt, hoc jure patriter introducto publicæ utilitatis causa; colligitur ex L. usucaptionem 9. ff. de usurpat. ibi: usucaptionem recipiunt maximè res corporales; & L. fin. C. de præscript. longi temp. ibi: codem observando, et si res non soli sint, sed incorporales, que in jure consistunt, veluti *usufructus*, & ceteræ servitutes.

Quæstio igitur est, an præscribi possint res *Sacrae*, *religiose*, *publicæ*? *Sacrae*, nimirum ad cultum Dei consecratæ, & Sacris usibus applicatæ, cujusmodi sunt Tempora, Sacella, Cæmeteria, vestes Sacrae, cinerum conditoria; *religiose*, & *publicæ*, ut plateæ, forum, portæ, publicæ viæ, &c. & generaliter quæ non sunt in hominum commercio, seu bonis privatorum. Si enim nemo potest earum Dominus esse, quomodo poterit præscribere; cum præscriptio sit adjectio Domini? quo posito: Resp. quod non, quia laborant vitio naturali; cum in nullius dominio esse possint; & habetur etiam L. 9. ff. de usucap. ibi: usucaptionem recipiunt, maximè res corporales, exceptis rebus Sacris, Sanctis, publicis populi Romani, & civitatum, item liberis hominibus; & Q. Sed aliquando. I. instit. de usucaptionib. ibi: sed aliquando etiam si maximè quis bona fide rem posederit; non tamen illi usucatio ullo tempore procedit: veluti si quis liberum hominem, vel rem Sacram, vel religio-

2289.

sam,

Ffff 2

sam, vel servum fugitivum possedeat.

2290. Cùm autem in his juribus numeretur etiam *liber homo*, tanquam, qui nullo unquam tempore præscribi possit, ut fiat *servus*, etiamsi possessio bonâ fide illum emerit, putans esse servum; dubitatur, an libertas ex natura rei præster ei hoc vitium, seu passivam inhabilitatem? an solum jure positivo? videtur enim affirmandum hoc postremum, primò, quia in plurimis juris textibus habetur, *liberum hominem bonâ fide possideri*; quæ possessio suos etiam juris effectus habet, v.g. quod illius venditio valeat; cur non ergo posset lex permittere, contra talis hominis libertatem præscribi, cùm defacto ratam habeat venditionem hominis liberi, quando se permittit vendi, ut de pretio participet? Deinde, servus præscribere potest libertatem contra Dominum, si per 20. annos bonâ fide gesserit se pro libero, etiam sine titulo libertatis; cit. L. ult. C. de long. temp. &c. & ibi gloss. V. *bonâ fide*; & V. per 20. idquæ favore libertatis statutum est. Alii tamen dicunt, quod inter præsentes etiam 10. annis præscribi possit libertas, ne deterior sit conditio libertatis, quam aliarum rerum; ut refert gloss. fin. ibid. & quia saltem in aliis legibus conceditur brevius tempus ad præscribendum præsentibus, quam absentibus. Pro negativa verò faciunt prædictæ leges, quæ prorsus eodem modo rebus, quæ præscribi non possunt, annumerant *liberum hominem*, sicut alias res Sacras, religiosas, publicas; sed hæ præscribi non possunt ex vitio naturali; ergo & liber homo. Ratio autem videatur ex eo, quia, cùm præscriptio vim suam habeat jure solum positivo, nimirum auctoritate Legislatorum, quibus inest potestas, & Dominiū altum cum jure disponendi circa bona privatorum in & propter bonum publicum; illa solum privatorum bona, spectatâ rei naturâ, suberunt præscriptioni, quorum Dominium altum est penes Legislatorem; at hujusmodi Dominium in *liberum hominem*, non habet, ut colligitur ex cit. LL. ergo. Ad rationes in contrarium Resp. ex eo, quod homo liber in sui venditionem consentiat, & fiat servus, non recte argui ad casum præsentem; quia homo est sux libertatis Dominus. Ad alteram Resp. cùm omnes ho-

mines nascantur naturâ liberi, recte concedi servo, favore libertatis, ut præscriptione possit se liberare à servitute; cùm per hoc redeat ad nativam libertatem, non autem, ut libertatem perdat, nisi fortè alio titulo, qualiter contingit, cùm capti bello justo, evadunt servi, pœnâ mortis (quam victores inferre captis possent) commutata in quid mitius, nimirum servitutem; facilius indulgeri potest, ut quis reducat se ad commune bonum naturæ; quam illi eripiatur; unde præscribendo libertatem, non operatur præscriptio acquisitionem, sed liberationem; fecus foret, præscribendo servitutem contra liberum hominem. Ex dict. sequitur, res publicas (quæ scilicet ad usum publicum, & communum omnibus commune deputata sunt (ut sunt viæ publicæ, plateæ, fora, &c.) nec in totum, nec in partem præscribi posse; nam hæ à privatis possideri non possunt, L. i. §. fin. ff. de acquirend. poss. ibi: *forum autem, & Basilicam, hisque similia, non possident, sed promiscue his utuntur*; loquitur autem de Municipibus.

§. III.

An decimæ præscribi possint à Laicis?

UT nimirum ipsis jure persolvi debet, 2291. tententia communis est negativa, ex c. *Causam 7. b. t.* ubi, cùm inter Reginensem Atchid. & quendam Nobilem Laicum, causa decimarum, vertetur in judicio; Pontifex Episcopo Patrimenti commisit, ut partes ad suam præsentiam convocet, & rationibus auditis diligenter, & cognitis, contradictione, & appellatio- ne remotâ causam ipsam debito fine decidat, non obstante præscriptione temporis, vel concessione Ecclesiasticæ, sæcularisve personæ, si idem Nobilis eam opponere voluerit; rationem ibidem reddit Pontifex; quia, cùm Laici decimas detinere non possint, eas nullâ valent præscribere ratione: ex quo textu communiter deducitur hæc conclusio: *Laici, jus percipiendi decimas, præscriptione acquirere non valent*; id, quod probant etiam textus in c. i. 16. q. 7. c. *pervenit. 1. q. 3. c. ad hæc, c. quam-*

quāvis, c. prohibemus, de decimis, c. fin. de rerum permut. c. fin. 10. q. 3. & habetur etiam c. Ad huc 15. de Decimis, ubi dicitur, quod Laico decimæ concedi non possint per successionem; & si tali-
ter acceptas dimittere non velit, per ex-
communicationem cogendus sit.

2292. Difficultas non est, si sermo sit de decimis Ecclesiasticis; nam jus percipiendi ejusmodi decimas, est spirituale; nimirum dependens à Sacramentorum administratione, cuius Laici capaces non sunt; aliqui tamen volunt, decisionem in c. causam 7. b. t. quod Laici non possint jus decimarum prescribere, quod eas detinere, seu possidere non valeant, non agere solum de decimis spirituali, sed etiam temporali titulo percipiendis; quia textus de his praecipue agere videtur, ut tradit Barb. in dict. c. Causam n. 3. quia credibile non est, nobilium virum, de quo hic, cum esset Laicus, pretendere voluisse jus spirituale percipiendi decimas; cuius ex ipsa lege divina incapax esse noscitur, nec Pontificiam legem casum decidere adeo indubitabilem, contra reg. text. in L. Labeo, junct. gloss. 1. ff. de Carboniano editio.

2293. Ex his deducit communem resolutio-
nem, quod textus dicti c. causam. proce-
dat in omnibus decimis, quoconque titulo, etiam temporali, à Laico percipiendis, ut multis argumentis ex professo compro-
bant Beroius, conf. 21. à num. 18. Covar.
& alii, quos refert Guttier, pract. l. 1. q. 16.
& omnes alii cum Suarez. de Relig. l. 1.
de decimis, c. 27. à n. 1. quia Concilium
Lateranense, juxta communem sententi-
am, simpliciter, & directe prohibet, ne decimæ Laicis quoconque titulo con-
cedantur à Prælatis inferioribus in feudum,
vel alio titulo temporali: ubi autem lex
simpliciter aliquid alienare, vel acquirere
prohibet, prohibita etiam prescriptio cen-
setur, juxta vulgarem allegationem tex-
tus in L. se fundis ff. de fundo dotali. L.
alienationis 28. ff. de verb signif.

2294. Not. autem ea, quæ diximus de decimis non prescribendis à Laico, debere in-
telligi de decimis Ecclesiarum, ut illæ à
Laicis prescribi non possint etiam titulo
temporalis; 2. quod, ubi Laicus conveni-
tur super ejusmodi decimis, non possit se-
tueri opponendo prescriptiōnem (quia nec

temporali titulo eas jure possidere valet,
ut constat ex c. causam, & c. ad huc, de
quo supr. ibi: per successionem tenendam;
fucus autem opponendo Privilegium à
Pontifice summo datum; ac id legitimè
probari possessione temporis immemoria-
lis; nam Privilegium est titulus justifi-
candi possessionem decimarum Ecclesiarum;
non autem prescriptio, quia possessio ea-
rum (secluso Privilegio) vitiatur ex inha-
bilitate subjecti, ut dictum est.

Ex hoc colligitur, quod Laicus, in cau-
sa decimarum Ecclesiarum (quarum jus sibi
competere prætendit) succumbere debe-
at, si immemoriale tempus in vim prescrip-
tionis allegaverit, & tamen tuendus, si
in sua possessione Privilegium Romani
Pontificis alleget, & in probationem osten-
dat possessionem temporis immemoria-
lis; ita Covar. l. 1. variar. c. 17. n. 5. &
sed si dubitetur, Suarez de Relig. l. 1. de
decimis c. 27. n. 4. & alii; ubi tamen Re-
buffus de decimis q. 13. n. 69. & alii ex-
stiment, ultra tempus immemoriale
requiri etiam famam concessi Privilegii,
quod tamen opus non esse, censet Suarez
cit.

Quæstio ulterior est 1. an, si Laicus le-
gitimè concessione (v. g. Privilegio Papæ)
obtinuit decimas Ecclesiarum (in feudum v.
g.) alias Laicus eas contra illum prescri-
bere possit? 2. an Laicus jure decimarum
spoliatus, ante omnia restituendas sit?
3. quo sensu procedat dictum in c. 7. b. t.
quod Laici decimas detinere non possint?
4. an Laici prescribere possint immunitatem
à decimis solvendis? Ad 1. Resp.
quod sic, si eas Laicus ab Ecclesia obtinuit,
legitimè concessione titulo v. g. feudi, vel
alio faltem perpetuo; nam per ejusmodi
legitimam concessionem evadunt quasi
Laicales, & patrimonium Laici; in Lai-
calibus & profanis autem locus est prescrip-
tionis; ergo. Ma. constat, quia mutata
personæ possidentis conditione, mutatur
etiam ipsorum bonorum conditio; habe-
tur in c. Si Laicus. 1. de jure Patronat. in
6. §. Verum, ubi dicitur, quod, licet Patronus
Laicus ad presentandum tempus ha-
beat quadrimestre duntaxat: Ecclesia tam-
en (vel Monasterium, cui facta est à
Laico juris Patronatus collatio) tempus ha-
beat semestre. Et omnino, quantum ad
presentationem pertinet, non ut Patronus
Ffff 3

Laicus,

Laicus, sed ut Patronus debeat Ecclesiasticus reputari; & L. per Curatorem 90. ff. de acquirenda hereditate, §. 1. ibi: idem (Paulus) respondit, si iussu Avi nepos, Patris, qui de castrensi peculio testamentum fecit, hereditatem adisset, adquisisse ei ea, de quibus Pater testari potest: quia castrenia esse mutatione personæ desierint; & ita tenet Felinus in c. causam 7. h. t. num. 4. & alii.

2297.

Ad 2. Resp. quando spoliandi assistit jus commune, & resistit spoliato, isti non concedi restitutionem; colligitur ex c. Ad decimas 2. de restit. spoliat. in 6. ubi Canonici S. Nicolai, per Clericos Ecclesiæ Parochialis spoliati possessione decimarum ex prædiis intra Parochiam existentibus, non sunt restituti, propterea, quod contra dictos Canonicos erat juris præsumptio, quod decimas in aliena Parochia injustè acquisiverint, & pro Ecclesia Parochiali ad eam de jure communi pertineant; quo habetur, quando restitutio quaeritur contra Ecclesiam Parochiale, non fieri restitutionem, ubi spoliato jus commune resistit, & spoliandi assistit; secus si non assistat spoliandi, esto resistat spoliato; nam, ut eo casu negetur restitutio, utrumquæ requiritur ex dict. c. ad decimas; consequenter locus est rigori juris, in c. in literis, de restit. spoliat. sic Covar. l. 1. variar. c. 17. & alii.

2298.

Ad 3. Resp. hoc sensu: quod Laico in iudicio non prospicit pro sui defensione ad retinendas decimas, super quibus lis erat, tametsi alleget præscriptionem temporis; cum ad præscriptionem legitimam requiratur non tantum tempus, jure definitum, expletum esse; sed etiam tanti temporis detentio seu possessio; Laici autem decimas detinere, seu possidere, non possunt; quibus non tantum habetur, præscriptionem non procedere sine possessione; ut pluribus dicimus in seqq. Sed etiam à Laico decimas (quarum nempe jus est penes Ecclesiæ) non posse possideri.

2299.

Ad 4. Resp. posse, modò id fiat cum titulo, & continuata possessione non solvendi per tempus jure definitum, ut præscriptioni, quoad secundum effectum suum (qui est inducere liberationem à debito, ut diximus n. 2272.) locus sit. Nam, esto non possit Laicus præscribere decimas, præscriptione acquirente illi, seu inducen-

te in illum, jus decimandi; non tamen sequitur non posse præscribere decimas præscriptione liberante illum ab onere, eu obligatione solvendi decimas; nam ad hoc non requiritur possessio juris decimandi, propter quod illud Laicus præscribere non potest, acquirendo; ut constat ex dict. c. causam 7. h. t. an autem jus patronatus præscribi possit à Laico, diximus l. 3. tit. 38. de jure patron.

Ex hoc deducitur, etiam census annuus, debitos ex contractu oneroso, legato, vel simili titulo, præscribi posse, præscriptione liberante à debito solvendi, si tempus ad hoc jure definitum completum sit cum ceteris ad hoc requisitis, ut præscriptio inducat hunc effectum suum secundarium, de quibus dicemus à num. 2330. nam, possidere immunitatem à solutione census anni, non est extra Laicorum habilitatem; & hoc procedit de liberatione à solvendis censibus pro tempore antecedenti debitibus, postquam elapsi sunt 30. anni à die, quo venit tempus exigendi quovis anno. Nam, ut dicitur L. cum notissimi 7. §. fin. C. de prescript. 30. annor. in his etiam promissionibus, vel legatis, vel aliis obligationibus, quæ datum per singulos annos, vel menses, aut aliquod singulare tempus continent, tempora memoratarum præscriptionum non ab exordio talis obligationis, sed ab initio cuiusque anni, vel mensis, vel alterius singularis temporis computari manifestum est. Dixi, à solvendis censibus pro tempore antecedenti debitibus; quaestio est, an etiam à futuris? Resp. id probabilius affirmari ex c. de quarta 4. h. t. ibi: de quarta decima, & oblationis defunctorum Clericis ab imperitione Episcopi quadragenali præscriptione temporis se posset ueri videatur; nisi forte interim pastoralis Sedes caruisset Pastore, qui jura Ecclesiæ suæ exigere debuisset; nam Romana Ecclesia triennalem præscriptionem contra Ecclesiam non admittit; nam ex hoc textu habetur, etiam contra solutiones futuras ex debito ceteròquin præstandas posse quem liberati præscriptione.



q. IV.

An res furtivæ sint idonea materia præscriptionis?

Supponend. jure civili olim constitutum fuisse, ut, qui bonâ fide ab eo, qui Dominus non erat, cùm crederet eum Dominum esse, rem emerit, vel ex donatione, aliavè quavis justa causa acceperit, is eam tem, si mobilis erat, anno ubique uno: si immobilis, biennio tantum in Italicō solo usucaperet, ne rerum dominia in incerto essent: postea tamen, ne domini maturiū suis rebus defraudarentur, constitutum esse, ut res quidem mobiles per triennium; immobiles verò per longi temporis possessionem (id est, inter præsentes decennio, inter absentes viginti annis) usucipientur, & his modis non solum in Italia, sed etiam in omni terra, quæ Romano Imperio gubernatur, dominia rerum, justa cauſa possessionis præcedente, acquirantur; sic habetur. §. Jure civili infit. de Usucaptionib.

Suppon. 2. ab hac generalitate cit. loc. fieri quasdam exceptions, ut in quibusdam rebus nullo modo, aut tempore procedat usucatio, etiam cum possessione bona fidei, prout est in libero homine, re Sacra, vel religiosa, aut servo fugitivo, de quo ibid. §. sed aliquando. 1. in aliis autem solum tempore ordinario; & inter has numerari res furtivas, vel vi possesas, de quibus loc. cit. §. Furtiva 2. sic loquitur: furtiva quoquè res, & quæ vi possesse sunt, nec si prædicto longo tempore bona fide possessa fuerint, usucapi possunt: nam furtivarum rerum, lex duodecim tabularum, & lex Atilia inhibent usucaptionem: vi possesarum, lex Julia & Plantia; ubi q. 3. subjunction: quod autem dictum est, furtivarum, & vi possesarum rerum usucaptionem per leges prohibitam esse, non eo pertinet, ut ne ipse fur, quivè per vim possidet, usucapere possit (nam his alia ratione usucatio non competit, quia scilicet malâ fide possident) sed ne ullus alius, quamvis ab eis bona fide emorit, vel ex alia causa acceperit, usucapiendi jus habeat. Unde in rebus mobilibus non facile procedit, ut bonæ fidei possessoribus

usucatio competat. Nam qui sciens, alienam rem vendidet, vel ex alia causa tradiderit, furtum ejus committit.

His subnectitur limitatio in q. 4. ubi dicitur, quod aliquando id se alter habeat; nam si hæres, rem defuncto commoda tam, aut locatam, vel apud eum depositam, existimans hereditariam esse, bona fide accipienti vendiderit, aut donaverit, aut dotis nomine dederit, quin is, qui accepterit, usucapere possit, dubium non est: quippe cùm ea res in furti vitium non cedicerit: quin utique hæres, qui bona fide tanquam suam alienaverit, furtum non committat; item, ut habetur §. 5. si is, ad quem ancillæ ususfructus pertinet, partum suum esse credens vendiderit, aut donaverit, furtum non committit: furtum enim sine affectu furandi non committitur; tertio, q. 6. alii quoquè modis accidere posse, ut quis sine vitio furti, rem alienam ad aliquem transferat, & efficiat, ut à possessore usucapiatur; & §. 8. aliquando etiam furtivam, vel vi possesam rem usucapi posse; veluti, si in Domini potestatem reversa fuerit; tunc enim vitio rei purgato, procedit ejus usucatio. Demum subjunction: ibi: novissime sciendum est, rem talēm esse debere, ut in se habeat vitium, ut à bona fidei Emptore usucapi possit, vel qui ex alia justa causa possidet.

Suppon. 3. vitium, quo res furtiva redidit impræscriptibilis, etiam à possessore bona fidei, cùm hoc solum sit ex dispositione juris civilis; ejusdem juris dispositione purgari possessione 30. vel 40. annorum, prout habetur ex L. sicut 3. C. de præscript. 30. vel 40. annor. ibi: sicut in rem speciales, ita de Universitate, ac personales actiones ultra 30. annorum spatium minimè protendantur: sed si qua res, vel ius aliquod postuletur, vel persona qualicunque actione, vel persecutione pulsetur, nihilominus erit agenti triginta annorum præscriptio metuenda. Eodem etiam jure, in ejus persona valente, qui pignus, vel hypothecam non à suo debitore, sed ab alio per longum tempus possidente, nititur vindicare. Quæ ergo ante non mota sunt actiones, 30. annorum iugis silentio, ex quo jure competere cœperunt, vivendi ulterius non habeant facultatem: nec sufficiat precibus oblatis speciale quoddam (licet per an-

annotationem) promeruisse responsum, vel etiam in iudiciis allegasse: nisi allegato Sacro rescripto: aut in iudicio postulatione deposita, fuerit subsecuta per executorem conventio: non sexus fragilitate, non absentia, non militia contra hanc legem defendenda, sed pupillari aetate duntaxat (quamvis sub Tutoris defensione consistat) *huic eximenda Sanctioni*. Nam cum ad eos annos pervenerint, qui ad solitudinem pertinent Curatoris, necessario eis similiter, ut aliis, annorum 30. intervalla servanda sunt. Haec autem actiones, annis triginta continuis, extinguantur, quæ perpetua videbantur; non illæ, quæ antiquis temporibus limitabantur. Post hanc verò temporis definitionem nulli movendi ulterius facultatem patere censemus, etiam si se legis ignorantia excusare tentaverit; ubi nota, ad verbum vivendi, observari per gloss. ibid. lit. S. actiones dici vivere; iisque suam vitam esse, dum scilicet extinguantur.

Item L. omnes 4. ibi: omnes nocendi quibuslibet modis artes omnibus amputantes, cunctas quidem temporales exceptiones, quæ ex vetere jure, vel ex principalibus decretis descendunt, tanquam si per hanc legem specialiter, ac nominatim fuissent enumeratae, cum suo labore durare, & suum cunctis, quibus competit, vel in posterum competere valuerint, pro suo videlicet tenore præsidium in perpetuum deferre decernimus. Quicquid autem præteriorum præscriptionum vel verbis, vel sensibus minus continetur, impletentes, per hanc in perpetuum valitaram legem fancimus, ut se quis contractus, vel si qua sit actio, que cum non esset expressum supradictis temporalibus præscriptionibus concepta, quorundam tamen vel fortuita, vel ex cogitata interpretatione saepe dictarum exceptionum laqueos evadere posse videatur: huic saluberrima nostræ Sanctioni succumbat, & 40. annorum curriculis procul dubio sopiaatur, nullumquæ jus privatum vel publicum in quacunque causa, vel quacunque persona, quod predicatorum 40. annorum extinctum est iugis silentio, moveatur: sed quicunque super quolibet jure, quod per memoratum tempus inconcussum, & sine ulla re ipsa illata judicaria contentione possedit, superque sua conditione, qua per idem tempus abs-

que ulla judiciali sententia simili munitione potitus est, sit liber, & praesentis saluberrima legis plenissima munitione securus.

Ex his deducitur, res furtivas, & vi possellas, non esse simpliciter impræscriptibiles; sed tantum tempore ordenario, nimirum, dum purgantur à vitio, quod fit possessione bonæ fidei 30. vel 40. annorum; dixi, non præscribi tempore ordinario, nimirum 3. 10. vel 20. annorum, ut constat ex Q. furtivæ, ibi: *prædicto longo tempore possesse*; quia tunc adhuc adhæret illis vitium furti, vel violentiæ; securus, possessione bonæ fidei continuata per 30. vel 40. annos, propter rationem contrariam; tunc enim omnis actio extinguitur, L. *Sicut 3. & L. omnes 4. C. de prescript. 30. vel 40. annorum.*

Deducitur 2. rem furtivam, aut vi possessam, cum redit ad Dominum, ab alio bonæ fidei possesso præscribi, deinde posse tempore ordinario; quia per eum reditum purgantur à vitio, ut constat ex §. aliquando, de quo n. 2303. notand. autem, rebus furtivis hic annumerari non tantum illas, quæ furto ablatae sunt; sed etiam quasvis alias res alienas, dummodo illæ fuerint mobiles, easquæ venditor sciens prudens distraxerit, contra Domini voluntatem: talis enim furtum committere censetur, ac proinde mala fides venditoris, vel ex alia causa alienantis, ac tradentis hujusmodi rem furtivam efficit, ut nequè à tradente, nequè ab eo, qui bona fide accepit, ac possidet, usucapi possit, §. *quod autem in fine institut. de usucap. cuius ratio est ex gloss. in cit. Q. quod autem, V. competit*, dicente, quod vitium rei committetur rem, ad quemcumquæ ea pervenerit, siue quicunque rem occupabit, L. 1. & L. *Sciens 7. C. de usucap. proempt. L. 2. C. de usuc. prodonat.*

Deducitur 3. inter eum, qui sciens alienam rem vendit; ac illum, qui ignoravit alienam esse, discrimen ponit, quod in primo casu (cum committatur vitium furti; non in secundo) res empta bona fide præscribi non possit ab emptore in primo; securus in secundo; ratio sumitur ex tit. præsenti; & statim sequenti. Nam, qui rem alienam bonâ fide emit ab herede illam vendente, qui credebat, eam hereditariam esse, illam usucapere potest, ut diciatur

tur §. 4. *instit. de Usucaptionib.* Ex hoc ulterius habetur ad usucaptionem in rebus mobilibus requiri bonam fidem dantis, & accipientis, ut habetur *L. 1. & 2. C. de usuc.* pro donat. in immobilibus autem sufficere bonam fidem possessoris; nam in his, quæ sunt *soli*, furtum non committitur.

§. V.

An prescribi possint res dotales? res alienari prohibite testamento? res pupillares? &c.

2309. **P**rima quæstio est de fundo dotali, an prescribi possit præscriptione longi temporis? quæstio fieri potest, an, si cœpit præscriptio ejus priùs, quām evaserit dotalis; an primum postquam factus est dotalis? quoad primum affirmandum; quoad secundum negandum est ex *L. se fundum. 16 ff. de fundo dotali*, ibi: *se fundum, quem Titius possidebat bona fide, longi temporis possessione poterat sibi querere, mulier ut suum marito dedit in dotem: cumquè petere neglexerit vir, cum id facere posset, rem periculi sui fecit, nam licet lex Julia, quæ vetat fundum dotalement alienari, pertinet etiam ad hujusmodi acquisitionem: non tamen interpellat eam possessionem, que per longum tempus fit, sed, antequam constitueretur dotalis fundus, jam cœperat; plenè se paucissimi dies ad perficiendam longi temporis possessionem superfuerunt: nihil erit, quod imputabitur marito; ubi glossa lit. P. si fundus, inquit, quem aliud prescribere incepit, à muliere datur in dotem, præscriptio non interrumpitur: sed, & præscriptio virti periculo perficitur, nisi paucissimi dies interfuerint ad perficiendam præscriptionem, quo tempore fundus in dotem datus fuit.*

2310. Altera quæstio est, an aliae res dotales mobiles triennio prescribi possint? Resp. de his agi *L. in rebus dotalibus. 30. C. de jure dotium*, ibi: *omnis autem temporalis exceptio, sive per usucaptionem inducta, sive per decem, sive per 20. annorum curricula, sive per 30. vel 40. annorum metas, sive ex alio quocunquè tempore majore vel minore sit introducta: ea mulierem. II.*

ribus ex eo tempore opponatur, ex quo possint actiones movere. 1. opulentis quidem maritis constitutis, post dissolutum matrimonium: minus autem idoneis, ex quo hoc infortunium eis illatum esse claruerit: quo habetur, mulieri, vindicandi res dotales, non obstare exceptionem, sive sit major, sive minor decennali. Sed hoc accipendum est de præscriptione temporis, quo mulier non potuit uti actione hypothecaria, contra bona mariti; nam, ubi agere potuit, contra illam etiam præscriptio currit temporis ordinarii.

Tertia quæstio est, an res, quæ alienari Testator prohibuit, sint idonea materia præscriptionis? Resp. quod sic, si præscriptio sit extraordinaria, nimirum 30. vel 40. annorum; non autem temporis ordinarii, per *L. fin. §. 3. C. Communia, de Legatis*, ibi: *si autem sub conditione, vel sub incerta die fuerit reliatum legatum, vel fideicommissum Universitatis, vel speciale, vel substitutione, vel restituzione: melius quidem faciet, si & in his casibus caveat ab omni venditione, vel hypotheca, ne se gravioribus oneribus evictionis nomine supponat: Sin autem avaritiae cupidine propter spem conditionis minimè implenda, ad venditionem, vel hypothecam profluerit: sciat, quod conditione impletâ ab initio causa in irritum devocetur: & sic intelligenda est: quasi nec Scripta, nec penitus fuerit celebrata: ut nec usucatio, nec longi temporis præscriptio contra legatarium vel fideicommissarium procedat. Quod similiter obtinere censemus in hujusmodi legatis sive purè, sive sub die certo, sive sub conditione, sive sub incerta die d. relata sint. Sed in his omnibus casibus Legatario quidem, vel fideicommissario omnis licentia pateat, rem vindicare, & sibi adsignare, nullo obstaculo ei à detentoribus opponendo.*

Quarta quæstio est de rebus pupillari-bus? Ad hoc Resp. ex *L. 3. C. de præscript. 30. annorum*, ubi dicitur, *pupillari estate duntaxat (quamvis sub Tutoris defensione consistat) huic eximenda Sanctioni*. Nam cū ad eos annos pervenerint, qui ad solitudinem pertinent Curatoris, necessario eis, similiter, ut aliis, annorum triginta intervalla servanda sunt: quo habetur, res pupillares non modò immobiles, sed nec mobiles, etiam lon-

Ggg

giss

gissimo tempore præscribi, sic, ut tempus ætatis pupillaris computetur in tempus possessionis de jure requisitum; de filiis autem familias sic loquitur L. I. C. de annual. except. Sancimus filiis familias in omnibus his casibus, quibus habent res minime Patribus acquisitas (quoad proprietatem) nullam temporalem exceptionem opponi, nisi ex quo exceptionem movere potuerint, id est, postquam manu paterna, vel ejus, in cuius erant potestate constituti, fuerint liberati. *Quis enim incusare eos poterit, si hoc non fecerint, quod et se maluerint, minimè adimplere lege obviantem valebant.* Ex quo colligitur, contra illos tempus non currere, nisi soluta Patria potestate. Contra Minores autem non currit præscriptio propriè dicta tempore ordinario, ex L. fin. C. ex quibus causis restitut. in integrum necess. non est, ibi: *melius est, intacta eorum jura servare, quam post vulneratam causam remedium querere.*

Q. VI.

An præscribi possint, qua competunt Principi, vel Superiori, quoad subjectionem illi debitam?

2313. **I**ntra ea, qua debentur Principi, aliqua sunt, quæ illi debentur in recognitio-
nem supremæ potestatis, & signum subje-
ctionis, alia, quæ alio titulo, v. g. in subsi-
dium, ob publicam necessitatem. Ea por-
rò, quæ primo modo debita sunt, nullo tempore à subditis præscribi posse, constat ex L. Comperit. 6. C. de præscript. 30. vel 40. annorum, ibi: *Comperit nostra Serenitas, quosdam Sacratissimam nostram pietatis constitutionem, quæ de annorum 40. loquitur præscriptione, ad prejudicium etiam publicarum functionum solutionis trahere conari, & si quid per tanti, vel amplioris temporis lapsum, minimè, vel minus, quam oportuerat, tributorum nomine solutum est, non posse requiri, seu profligari contendere;* cùm hujusmodi conamen manifestissimè sensui, propositoquæ nostræ legis obviare noscatur, idèoque jubemus, eos qui rem aliquam per continuum annorum quadragesima curriculum, sine quadam legitima interpellatione possederint, de possessione quidem rei, seu dominio nequaquam removeri functiones autem, seu civilem canonem, vel aliam quamquam publicam collationem eis impositam dependere compelli, nec huic par-

ti cuiuscunq; temporis præscriptionem oppostam admitti. De his, quæ secundo modo debita dicuntur, affirmat Pirbing. b.t.n.20. cum Abbe in c. ad audientiam, 13. b.t. n.18. de quo dicemus infra. Quando autem dicimus, quod in his, quæ debentur Supremo Principi sive Ecclesiastico, sive Laico, in recognitionem supremæ potestatis, nunquam præscribi possit, accipendum est de casu, quo sub eodem Principe manet. Si enim ab ejus jurisdictione immunis fiat, legitimo transitu ad alium, non illi, sed alteri tenebitur; nec contra istum quoad prædicta unquam præscribet.

Cæterum præscriptione fieri potest, quod quis ex subdito fiat non subditus, vel ex toto, vel ex parte, modo jurisdictione, quam quis habet in subditos, non sit iure divino annexa officio, vel dignitati, quam quis habet. Ratio primi est, qui potest quis tempore, jure definito, bonâ fide possidens libertatem, se eximere à jurisdictione alterius, cui ante subjectus erat, v. g. in solvendis gabellis, judicio, Censurâ, &c. hac ratione multi Principes Imperii exemerunt se ab eo, ut notat Cardin. de Lugo, de jure, & just. tom. I. D. 7. sect. 6. n. 8. ratio secundi est; quia, quod iure divino competit, dispositione juris humani auferri non potest; hinc nemo Fidelium per præscriptionem eximere se potest à jurisdictione Papæ, quæ illi, tanquam Vicario Christi, jure divino inest, in his, quæ pertinent ad salutem animalium, Dei cultum, & eorum, quæ in hunc finem ordinantur; at vis præscriptionis est solum ex dispositione juris humani.

Dices: ergo nec poterit ullus, per præscriptionem, eximere se, etiam à jurisdictione Episcopi; nam & hæc ex valde probabili sententia illis inest jure divino. Resp. distinguendum, an objectio intendat, quod nullus diœcesanus pro sensu composito retentæ diocesis possit se eximere ab his, in quibus Ordinarius talis loci fundatam habet jurisdictionem super subjectione, & obedientia sibi debita? vel solum pro sensu diviso, nimirum, non retentæ diocesi? si hoc secundum opus non est præscriptione; cùm mutata diocesi eo ipso desinat esse subditus ejus, qui præest tali Diocesi: si autem primum? verum est, quod præscriptione acquiri non possit immunitas, seu exemptio ab Ordinario sic, ut nulli subst., quoad Ecclesiasticam jurisdictionem; non autem,

2314.

2315.

ut non faber Episcopo hujus Diœcesis; cùm præscriptione possit acquirere immunitatem à jurisdictione omnium inferiorum; summo Pontifice.

2316. Ex hoc fit. 1. posse subditum præscriptione se eximere à subjectione standi in judicio coram Judice cæteròquin immediato, v. g. ne vocetur ad forum Consulis, vel Magistratus civici; sed Præsidis Provinciæ, vel altioris. 2. posse Ecclesiam, intra fines diœcesis existentem præscriptione acquirere, ne pro causis Ecclesiasticis in judicio conveniatur, nisi coram Metropolitano. Confirmari hoc potest ex c. *cum olim*, 18. h. t. ubi, cùm Abbas S. Salvatoris de Ficheto sufficierent ostendisset Monasterium de Ficheto super plebe Falamazanâ, & adjacentibus Capellis, in quas jus Episcopale Episcopus Lucanus prætendebat, in institutionibus, destitutionibus, & ordinationibus Plebani, & Clericorum Baptismo, Pœnitentiâ in levioribus culpis, Sepulturâ, decimarum perceptione, divinis officiis celebrandis, excommunicando, atquè interdicendo, & etiam absolvendo, legitimâ esse præscriptione munatum: Pontifex super his Episcopo perpetuum silentium indixit; super aliis autem omnibus, quæ ad jus Episcopale spectant, juxta tenorem sententiarum arbitris quondam latæ, eundem Abbatem, quoad plebem, & Capellas prædictas condemnavit.

2317. Hinc deducitur ulterius, Abbatem posse præscribere sibi aliqua, vel omnia jura Episcopalia alicuius Capella, vel Ecclesiæ; non tamen obedientia, licet quidam Abbas illa amiserit per arbitrium, quem ignorabat; adeoque jus instituendi, destituendi Clericos, baptizandi in Capella sibi subiecta, ferendi Censuras, &c. quæ scilicet non supponunt potestatem ordinis Episcopalis; quod confirmatur ex c. *Auditis* 15. h. t. Cùm enim Episcopus Vigoriensis assereret, Ecclesiam in Vallœ Hevescam ad se lege Diœcésana pertinere, Abbat illius loci sibi eandem asserente jure privilegii, & præscriptionis: mandavit Pontifex, si ex Privilegiis constet, dictam Vallem libertate donatam à Cœlestino Papa, uti prætenditur, Episcopo silentium imponi; si autem Abbas in probatione donatae libertatis defecerit, jussit audiri probationes super tempore, quo in-

fra 40. annos Episcopalis Sedes vacavit, & si tempore vacationis subducto, quadragenaria præscriptio non sit completa, jus Episcopale Episcopo adjudicari in illis, quæ Abbas per 40. annos absque interruptione se præscripsisse non probaverit.

Not. autem universaliter, tantum solùm præscriptione acquisitum esse, quantum probatum fuerit legitimè possessum cum cæteris conditionibus ad præscriptionem ritè complendam; cùm nulla præscriptio procedat sine possessione ex dicendis infra. Ex hoc fit, quod quis possit præscribere *jus excommunicandi*, sine jure absolvendi; jus Baptizandi in sua Ecclesia, sine jure ex officio exercendi Curam animarum, &c. sic Abbas in c. *Cum olim*, 18. h. t. num. 7. Suarez tom. 2. D. 2. scđ. 2. a nu. 13. & alii; & quamvis jus cognoscendi causas matrimoniales de jure *communi* solis Episcopis, ipsorumq; dignitati reservetur, ut constat ex *Trid. sess. 24. de reform. c. 20. Vers. adhac*: nihilominus tamen Prælato inferiori præscriptione legitimè completa acquiri potest; cùm non pertineat ad potestatem ordinis, sed solùm jurisdictionis Episcopalis.

Not. 2. in casu, quo Prælatus inferior litigat cum Episcopo, volens, & probans Ecclesiæ suæ jus Episcopale (v. g. instituendi, & destituendi plebanum) legitima præscriptione acquisitum esse, tale jus dupliciter posse intelligi acquisitum; *cumulativè* nimirum, seu æqua potestate sic, ut non tantum illud jus competit Episcopo, sed etiam inferiori Prælato; vel *privativè* ad Episcopum, ita scilicet, ut in ordine ad illum actum jus Episcopo, vel cæteròquin habenti talē potestatem, præscriptione jus omne sit ademptum; quod contingit, quando quis *solus* actus illos exercuit bona fide, & legitimo titulo, possessione continuatâ per tempus jure definitum, Episcopo nunquam admisso.



§. VII.

An praescribi possit contra jus visitandi, procurationum, aut fines Diaecesum, vel Parochiarum?

2320.

Prima questio est, an Diaecesani possint praescribere contra Episcopum, ne visitentur, aut procurationem solvere teneantur? Non est dubium, Episcopis competere jus visitandi Ecclesias, & personas sibi subjectas per ordinem ad ea, in quibus pastorali ejus curae commissae sunt. *Visitator* enim in jure dicitur is, cuius munus est inquirere, tam in personas, & personarum vitam, quam in locorum administrationem, & curam. Ex officio potest visitare, quicunque habet jurisdictionem ordinariam in alios: Deinde hujusmodi Ordinarius, si sit legitimè impeditus, potest visitandi munus aliis commendare; ita Azot. tom. 3. l. 13. c. 30. quo posito ad questionem propositam facit c. *Cum ex officii.* 16. h. t. Cum enim quidam Praelati Senonensi Episcopo in visitatione *procurations* negarent, hoc solum allegantes, quod meminerint, se procurations ejusmodi Prædecessoribus Archiepiscopi soluisse; Pontifex rescripsit, contra procurations, quæ ratione visitationis debentur, non magis posse praescribi, quam contra ipsam visitationem, ideoquæ jussit, sententiam, ab Archiepiscopo, contra contemptores usque ad condignam satisfactionem observari; quia secundum Apostolum 1. Cor. 9. qui spiritualia seminat, non est magnum, si metat corporalia; cum nemo cogatur suis stipendiis militare.

2321.

Ex hoc deducitur. 1. praescriptionem, quæ tollit omnino visitationem, jure communis injunctam, meritò prohiberi; sic Hostiens. in Summa de Offie. Archidiac. à n. 5. & alii; ratio est, quia cum praescriptio vim totam suam habeat à jure positivo, ibi dicendum est ei locum esse, pro quo ei dictum jus vim constituit; ibi negandum, pro quo ei negavit: at pro casu, ne Diaecesani abullo visitentur, jus canonicum (cujus in hac materia est vim trahere praescriptioni) nullam vim praescri-

ptioni tribuit, sed potius negavit, ut constat ex dict. c. *Cum ex officii*, & hoc merito, quia praescriptio impediens morum correctionem, & Ecclesiarum reformationem jure reprobatur, arg. c. *cum inter,* & c. *ex parte, de consuetud.* cum aliis, quippe quæ cedit in damnum publicum, & ex eo proveniunt multò mala in Repub. quam sit bonum, vitandilites, & servitutem dominorum, pro quibus bono publico introducta fuit praescriptio, L. 1. ff. *de usucap.* sed praescriptio omnino tollens visitationem injunctam jure communis, impedit morum correctionem, & reformationem Ecclesiarum, & ita obviat bono publico, quod per visitationem prætenditur, juxta addita ad c. *accidentes,* b. t.

Deducitur 2. quatuor non sit locus praescriptioni, quæ omnino tollit visitationem; admitti tamen illam, quæ ipsam visitationem *transfert*, vel alii accumulat; sic Hostiens. cit. Nam illa praescriptio admittenda est, quæ nullo jure prohibetur; nec etiam impedit morum correctionem, vel Ecclesiarum reformationem, nec etiam alias occurrit bono publico; hoc autem, habet talis praescriptio *translativa*, vel *cumulativa* juris visitandi; cum adhuc maneat visitatio facienda vel per eum, in quem translata est; vel per antiquum, esto etiam per alium fieri possit: ergo; & colligitur ex dict. c. *cum ex officii*, ubi postquam Pontifex rejectit allegationem Abbatis recusantis visitationem Archiepiscopi Senonensis, propterea, quod non meminerit, unquam procurationem à suo Monasterio solutam, consequenter factam visitationem, subjunxitque, nec procurations titulo visitationis debitas, nec ipsam visitationem ex aliquo modo praescribi posse, subiungit: *et si alias contra eum (nempe dictum Archiepiscopum) praescribere posset;* quo aperte significat, admitti praescriptionem, per quam transfertur, vel accumulatur visitatio; quia talis praescriptio, absolute loquendo, non est contra visitationem, quam non tollit; sed contra Prælatum, cui præjudicat, juxta quem sensum verba illa text. *aliquo modo*, non sunt intelligenda de modo, per quem praescribitur transferendo, vel accumulando; sed de modo, per quem praescribitur contra visitationem, scilicet tollendo, & extinguen-

guendo illam; nam quoad hoc nullus modus præscriptionis admittitur.

2323. Si dicas: jura Episcopalia possunt præscribi, c. auditis c. cum olim. h. t. de quibus juribus Episcopaliis, est visitatio, c. conquerenie, de officio Ordin. Resp. 1. cum distinctione juxta n. 2321. jura Episcopalia præscribi possunt per ordinem ad illos effectus inducendos, per ordinem ad quos præscriptioni vis induciva eorum concessa est, C. secus. N. Ma. ex n. cit. at, ne Dicecesani ullo modo visitentur, præscriptioni nulla vis jure canonico concessa est; secus, ut transferat, vel accumulet, ut constat à n. priori: ergo. Resp. 2. quod, quamvis jura Episcopalia præscribi non prohibeantur, quia per illorum præscriptionem non ita præjudicatur bono publico, sed magis Episcopo, contra quem præscribitur, nihilominus tamen visitatio jure communi competens præscribi prohibetur ob gravissimum Reipublicæ detrimentum, quod illâ sublatâ sequeretur.

2324. Deducitur 3. contra procurationes, ratione visitationis jure communi debitas, manente visitandi onere, non valere præscriptionem; sic Felinus, in c. Cum ex officiis n. 15. & alii communiter: nam nulla præscriptio tollens visitationem jure communi inducit (ne scilicet Dicecesani ab ullo visitentur) habet vim inducendi tales exceptionem ex n. 2321. & constat ex textu in n. 2320. at præscriptio tollens procurationes ratione visitationis jure communi debitas, manente tamen onere visitandi, tolleret ejusmodi visitationem, saltem juris præsumptione, & in effectu, ut satis innuit in ipso textu Pontifex, dum dicit contra procurationem ratione visitationis debitam præscribi non posse, quemadmodum nec contra visitationem ipsam; id, quod magis liquet, si advertas, procurationem esse annexam visitationi, ac subinde de illa, & de ista circa præscriptionem idem esse judiciū, arg. c. super eo, de paroch.

2325. Difficultas est, an si Prælatus, Episcopo inferior, præscribere possit omnia jura Episcopalia quoad jurisdictionē in certa parte dicecesis ita, ut in illa obtineat ipse jurisdictionem quasi Episcopalem, eo ipso sic omnino excludere possit Episcopum, ut non tantum non retineat in illa parte exercitiū jurisdictionis, sed nec quidem generalem in habitu? Resp. quod non; nam sic, si talis

Prælatus in jurisdictione foret negligens, non posset Episcopus supplere negligentiam, cuius tamen oppositum constat ex lib. 1. tit. 10. de supplend. neglig. Prælat. Deinde in tali casu adhuc posset appellari à tali Prælato ad Episcopum, &c. sic Abbas in c. Auditus 15. h. t. n. 7.

2326. Altera quæstio est, an præscriti possint fines Dicecesium, vel Parochiarum, quando constat legitima auctoritate præfixos illis esse tuos terminos? Resp. Super hac quæstione haberi constitutionem Urbanii III. relatam in c. Super eo. 4. de Parochiis, ibi: Super eo verò, quod apud vos intelleximus dubitatum, an, quod de finibus, & his, que finibus coherent non præscribendis, statutum per Canones esse dignoscitur, sit in parochiarum limitibus, sicut in Provincialibus admittendum? Respondemus, quod bene videtur in utroque servandum, si fines legitimè probatione, vel alias indabitata fide constitit Ecclesiastica ordinatio statutos. Ex hoc textu communiter deducunt DD. sicut limites Provincialium secundum jura præscribi non possunt; ita limites Episcopatum, & Parochiarum cum adhærentibus non posse præscribi; sic etiam Baldus de Præscript. c. 6. n. 7. Menoch. consl. 147. n. 44. ubi hoc intelligit, ut etiam exprimit textus, si limites sint clare, & manifesti distincti; secus, si sint dubii.

2327. Ratio autem potissima videtur, ne in casu proposito (ubi scilicet limites sunt manifestè distincti) admissa illorum præscriptione, cum publico incommodo nascatur confusio tam inter Prælatos, quam subditos, ut colligitur ex c. Quicunque, & c. Licit 16. q. 4. præsertim attendendo fines Provincialium, Dicecesium, & Parochiarum, in utilitatem publicam, non privata, sed publica auctoritate constitutos, & distinctos fuisse, c. i. dist. 80. t. 1. n. 13. q. 1. intendit text. in præsenti, ibi: Ecclesiastica ordinatione institutos; Concil. Trid. sess. 14. de reform. c. 9. & sess. 24. de reform. c. 13. in fine; unde fines hujusmodi, quatenus fines sunt juris publici auctoritate, & utilitate constituti; (ut in simili probat L. id. quod. 7. §. limites 1. ff. de periculo, & commodo) immutabiles esse debent, & metitò præscribi prohibentur, ne alias privata cujusque præscribentis auctoritate, sublati antiquis, passim novi limites constituantur, & tam in jurisdictione, quam in reliquis

Gggg 3

ad

ad publicam utilitatem pertinentibus frequens detur occasio incertitudinis, & confusionis.

2328. Not. autem, non idem procedere de finibus *prediorum*; tum quia de his nulla mentio fit in textu; tum quia non sunt publici, sed privati juris; non publica, sed privata uniuscujusque auctoritate, & voluntate instituuntur, & mutantur; *L. I. C. de finib. regund. & confusio*, quæ timeri potest, non ita principaliter *publicum*, sed magis *privatum* continet detrimentum.

2329. Ex hoc deducitur, quod, licet non admittatur præscriptio limitum, quibus terminantur Provinciæ, Diceceses, vel Parochiæ, in ratione limitum, ut præmissum est; admittatur tamen *intra fines*, seu limites Provinciæ, Dicecesis, ad effectum, ut præscribens intra illos obtineat jurisdictionem, vel jura Episcopalia, seu Parochialia, ut diximus à n. 2314. 2. quamvis admittatur hæc præscriptio (soli v.g. intra limites) non tamet propterea permitti, ut fines præscripti possint ad effectum, ut desinant esse, qui anteā erant, vel restrainingantur, ut alio extendantur, & sint, ubi non erant; quia ratio prædicta, & hujus textus prohibitio non ostenditur, ubi manentibus finibus, sicut antea, intra illos præscribitur; nec obstat c. cum sint 18. vers. & attendendum, de decimis; satisit enim, ut per gloss. ult. communiter receptam ex Zabar. ibi: *secus in finium mutatione.*

ARTICULUS II.

De conditionibus ad legitimam præscriptionem requisitis.

2330. Ad præscriptionem legitimam, jure scilicet approbatam, & efficacem ad indicendum effectum, dispositione juris illi concessum, communiter assignantur quatuor conditiones, bona fides, justus titulus, res non vitiosa, & possessio tempore præscripto continuata, quæ aliqui exprimunt his verbis: *non usucapies, quatuor nisi talia subsint: aqua fides; justus titulus; res non vitiosa; tempore præscripto possessio continuata;* alii Antiquiores requirebant etiam *rei traditionem*; sed haec ad usucaptionem legitimè inductam non requiriatur, & etiam sine traditione rei Dominium infertur extra casum præscriptionis, ut per

se patet in rebus derelictis, & similibus, sed nec requiritur, ubi alias rei dominium non transit sine traditione, ut in donatione, mutuo, &c. qui in illis casibus traditio requiritur, nec acquirens careat possessione bonæ fidei; at in materia præscriptionis hæc adesse potest etiam sine traditione, ut constabit ex seqq.

Q. I.

De bona fide requisita ad prescriptiōnem.

SUPPONEND per *bonam fidem* hīc non aliud intelligi, quām conscientiam *bonam* circa possessionem rei alienæ, tanquam suæ; quæ proinde supponit ignorantiam alicujus circumstantiæ, aut conditionis, quā cognitā sciret, rem tamē non ad se, Sed ad alium pertinere, proindeque jam peccaret volendo possidere *ut suam*, & tunc esset *mala fidei* possessor. Fides autem (seu *judicium*, quo quis existimat, rem, quam possidet, non esse alienam, sed suam) potest esse bona seu *justa* duplíciter; *justa Theologicè*, &, *justa juridicè*; utrumquè jam exposuimus superius à n. 1033. quoniam autem plerumquè contingit, existimationem, ex qua quis putat, vel judicat, rem, quam possidet, tanquam suam, se justè retinere tanquam suam, esse justam, quia possidet ex titulo, seu causa, quam existimat justam esse; ideo exponendum erit, quis *titulus*, vel *causa* (ex qua quis rem habet) sit *titulus verus*, vel *solum putativus*? *putativus* porrò *justus* erit, si proveniat ex errore *justo*.

Hinc not. 1. quod error triplex sit, *justus, injustus, & justissimus*. *Injustus* error est error in jure, quo quis putat, aliquem actum sub tali circumstantia facere, non esse legibus prohibitum, ut magis patebit ex seqq. *Justus* autem error est, cum quis errat in facto, non quidem proprio (nam error in facto proprio, sine alterius inductione commissus, est error *injustus*) sed vel proprio ex persuasione *Adversarii*, vel alieno ex persuasione *Authoris* dicentis, se id fecisse, quo casu hic error dicitur *justissimus*; sicut etiam, si contingat hic error, si quis alteri succedat dicenti, rem *fuisse suam*, vel ex publica fama, vel opinione vulgi, vel assertione viri probi.

Not. 2.